



Broj:01-34-140-1/18

Datum:17.01.2018. godine

Na osnovu člana 8. Zakona o ministarskim, vladinim i drugim imenovanjima Federacije BiH ("Službene novine FBiH" broj 12/03, 34/03 i 65/13), člana 47. Zakona o pravobranilaštvu Unsko-sanskog kantona ("Službeni glasnik USK", broj 20/04 i 8/17), člana 43. Statuta Općine Bosanski Petrovac ("Službeni glasnik Općine Bosanski Petrovac" broj 7/08), Općinski Načelnik Općine Bosanski Petrovac **o b j a v l j u j e**:

**JAVNI KONKURS
ZA IZBOR I IMENOVANJE OPĆINSKOG PRAVOBRANIIOCA
OPĆINE BOSANSKI PETROVAC**

I NAZIV POZICIJE

Općinski pravobranilac Općine Bosanski Petrovac - 1 (jedan) izvršilac

II OPIS POZICIJE

Općinski pravobranilac obavlja poslove pravnog savjetovanja i zakonskog zastupanja Općine, pred sudovima i drugim nadležnim organima, te poslove pravne zaštite imovine i imovinskih interesa Općine, njenih organa, drugih organa, ustanova i fondova koji se finansiraju iz budžeta Općine Bosanski Petrovac, rukovodi radom Općinskog pravobranilaštva i obavlja druge poslove i obaveze utvrđene zakonom i općim aktom.

Općinski pravobranilac se imenuje na period od 4 (četiri) godine, sa mogućnošću ponovnog imenovanja.

III OPĆI USLOVI

Kandidat mora ispunjavati sljedeće opće i posebne uslove:

1. da je državljanin BiH;
2. da je stariji od 18 godina;
3. da je zdravstveno sposoban;
4. da nije otpušten iz organa državne službe kao rezultat disciplinske mjere na bilo kojem nivou vlasti u BiH u periodu od posljednje 3 (tri) godine;
5. da se na njega ne odnosi član IX. 1. Ustava BiH;
6. da se protiv njega ne vodi krivični postupak, za krivična djela koja ga čine nedostojnim dužnosti pravobranioca.

IV POSEBNI USLOVI

Kandidat mora pored općih ispunjavati i posebne uslove:

1. da ima završenu VSS, VII stepen pravne struke ili diplomu visokog obrazovanja, odnosno prvog (najmanje 240 ECTS bodova) drugog ili trećeg ciklus Bolonjskog sistema studiranja-pravne struke;
2. da ima položen pravosudni ispit;

3. da ima najmanje 4(četiri)godine iskustva u radu na pravnim poslovima u pravobranilaštvu, pravosudnim organima i drugim državnim organima poduzećima (društvima) i drugim pravnim licima;

4. da nije član upravnog, izvršnog ili drugog tijela političke stranke.

Uz prijavu kandidata, koja treba da sadrži kraću biografiju, adresu i kontakt telefon, potrebno je dostaviti:

1. uvjerenje o državljanstvu;

2. izvod iz matične knjige rođenih;

3. uvjerenje o zdravstvenoj sposobnosti;

4. uvjerenje da se protiv kandidata ne vodi krivični postupak;

5. ovjerena kopija diplome;

6. dokaz o položenom pravosudnom ispitu;

7. dokaz o radnom iskustvu na pravnim poslovima

8. ovjerenu izjavu kandidata da nije otpušten iz državne službe kao rezultat disciplinske mjere na bilo kojem nivou vlasti u BiH u periodu od posljednje tri godine.

9. ovjerena izjava kandidata da se na njih ne odnosi član IX.1. Ustava Bosne i Hercegovine.

10. ovjerena izjava kandidata da nije član upravnog, izvršnog ili drugog tijela političke stranke.

Dokumenti koji se prilažu uz prijavu moraju biti originali ili ovjerene kopije.

Ovaj konkurs objavit će se u dnevnim novinama " Dnevni list" „Službenim novinama FBIH", Radiju Bosanski Petrovac, web stranici Općine i na oglasnoj ploči Općine.

Prijave sa traženom dokumentacijom dostaviti najkasnije u roku od 15 dana od dana posljednje objave konkursa, lično ili preporučenom poštom sa naznakom:

" Javni konkurs za izbor i imenovanje Općinskog pravobranioca"

- NE OTVARATI -

na adresu:


Općina Bosanski Petrovac

Općinski Načelnik

Ulica Bosanska 110,

77250 Bosanski Petrovac

Nepotpune i neblagovremene prijave neće biti uzete u razmatranje.



Dostaviti:

-Dnevni list,

-Službene novine F BiH

-Web stranica,

-Radio Bos. Petrovac,

-Oglasna ploča

- a/a